

Ս. Ս. Ասատյան

## ՀԱՅԱՍՏԱՆԻ ՊԱՏՄԱԿԱՆ ԹԱՆԳԱՐԱՆԻ ԲՐՈՆՁԵ ԱՊԱՐԱՆՁԱՆՆԵՐԸ

Հայաստանի պետական պատմական թանգարանի հարուստ ֆոնդերում պահպանվում են բրոնզե մի քանի հարյուր ասպարանջաններ, որոնք հայտնաբերվել են պատահականորեն, պեղումների ժամանակ:

Դրանցից հնագույնները հայտնաբերվել են լճաշենի պեղումներից և վերաբերվում են վաղ բրոնզե ժամանակաշրջանին<sup>1</sup>, իսկ հիմնական մասը՝ մ. թ. ա. 13—4-րդ դարերին: Ասպարանջանների մի մասը նկարագրված է ուսումնասիրողների առանձին աշխատություններում և հոդվածներում, սակայն մեծամասնությունը մինչև այժմ մնայել է առանց կարգավորման և հրատարակման:

Իրանը ըստ իրենց արտաքին տեսքի բաժանվում են հետևյալ տիպերի.

Հեռացվող ծայրերով ասպարանջաններ (138 հատ), ամենամեծ խումբն են կազմում և բաժանվում են 4 տարբերակի:

Առաջին տարբերակը բաղկացած է 82 ասպարանջաններից, պատրաստված է բրոնզե լարից, կտրվածքում կլոր է կամ կիսակլոր: Ծայրերը կտրված են, կամ թեթև սրած, իրարից հեռու: Տրամագիծը 4—11 սմ է<sup>2</sup>, քաշը 4—92 գրամ: Երանք հայտնաբերվել են հիմնականում լճաշենում, Աստղաձորում (աղյուսակ 1, նկ. 2), Մուխանում (աղյուսակ 1, նկ. 10), Յամաքարերդում, Բասարգեղարում, Թաքիայում, Իջևանում, Նոյեմբերյանում (աղյուսակ 2, նկ. 5), Ուլունթայում, Քաղսիում, Ալավերդում, Եղեգնուտում, Թագավորանիստում, Սանահինում, Ստեփանավանում (աղ. 1, նկ. 3, 6, աղյուսակ 5, նկ. 1, 13), Փարպիում, Գոլովինոյում, Մեղրիում, Ղափանում (աղ. 5, նկ. 12), Կարմիր բլուրում, էլարում (աղ. 3, նկ. 5), Ջրառատում, Ոսկեվաղում, Ղրղիից և էջմիածնի թանգարանից<sup>3</sup>:


Երկրորդ տարբերակը բաղկացած է 30 ասպարանջաններից, որոնք առաջին տարբերակի ասպարանջաններից տարբերվում են տափակ ծայրերով, որոշ շափով նմանվելով օձազլուխ ասպարանջաններին: Տրամագիծը տատանվում է 4 սմ մինչև 8,5 սմ, քաշը 5—68 գրամ: Հայտնաբերված են լճաշենից, Յամաքարերդից, Մուխանից, Այրիվանից, Աստղաձորից, Բասարգեղարից, Դիլիջանից, Գոլովինոյից, Ճամբարակից, Ղրղիից, Այրումից, Հաղպատից (աղ. 1, նկ. 7), Ուլունլարից, Լենինականից, Բջնիից, Կարմիր բլուրից, Ջրառատից (աղ. 1, նկ. 9, աղ. 2, նկ. 6, աղ. 3, նկ. 6, աղ. 4, նկ. 7) և Աթարբեկյանից:

1 Պեղումները կատարել է Զ. Զ. Մնացականյանը, նյութերը չեն հրատարակված:

2 Բոլոր ասպարանջանների քաշը բերված է ըստ տիպերի և տարբերակների № 1 աղյուսակում:

3 Էջմիածնի նախկին թանգարանի ժողովածուները 30-ական թվականներին հանձնվել է պետական պատմական թանգարան: Այս հավաքածուում կան համարյա բոլոր տեսակի ասպարանջանները, սակայն մենք դրանք չենք նշում: Այստեղ և հետագայում նշվող 5-րդ աղյուսակը պարզապես է մեր ձեռքի տակ, չենք հրատարակում:

Ծրրորդ տարբերակը բաղկացած է 20 ապարանջաններից, որոնք նման են առաջին տարբերակին, կենտրոնական մասում մի թեթև սեղմված են ու ձվաձև։ Տրամադիծր տատանվում է 6,5 սմ մինչև 11 սմ, քաշը 7—35 գրամ։ Հայտնաբերված են Աստղաձորից (աղ. 1, նկ. 5), Բասարպեղարից, Կարմիր բլուրից, Մուխանաթ թափայից, Քաղսիից, Մեղրիից, Ալավերդուց, Ստեփանավանից (աղ. 1, նկ. 3—4), Լենինականից և Էջմիածնից։



Աղյուսակ 1

Զորրորդ տարբերակը բաղկացած է վեց ապարանջաններից, որոնք նման են առաջինին, աչքի են ընկնում ծայրերի լայն հեռավորությամբ, որը համարյա տրամագծի  $\frac{1}{3}$ -ն է կազմում։ Տրամագծի տատանումը 6—10 սմ, քաշը 8—35 գրամ։ Դրանք հայտնաբերվել են Արթիկում, Ստեփանավանում (մեկական օրինակ), մյուսների տեղը անհայտ է։

Քննարկվող ապարանջանների տիպը գոյություն է ունեցել երկար ժամանակ, դրանց թվագրական սահմանները ճշտելու համար մեծ նշանակություն ունի Մուխանաթ թափայում գտնված ապարանջանը, որի հետ մեկտեղ գտնվել է գունազարդ խեցեղեն (ՀՊԹ, 1439/420), սակայն դրա ճիշտ թվագրումը դժվարացել է նրանով, որ նույն շերտում գտնվել են երկաթյա առարկաներ։

Նույնանման ապարանջաններ հայտնի են Թաղաքենդի հավաքածուից, որը թվագրվում է մ. թ. ա. 13-րդ դարով<sup>4</sup>։

Ապարանջանների թվագրումը ճշտվում է այնպիսի հուշարձաններով, ինչպիսիք են Թաքիան<sup>5</sup> և Ալավերդին մ. թ. ա. 2-րդ հազարամյակի վերջը, ԼՃա-

<sup>4</sup> Պահվում են Վրաստանի պետական թանգարանում։

<sup>5</sup> А. А. Мартиросян, Т. С. Хачатрян, Комплекс изделий из Такиа. Изв. АН АрмССР, № 11, 1959, стр. 93.

շենք (միայնակ դամբարան), Աստղածորը, Մուխանը, Զուլաքարը, Այրիվանքը, որոնք թվագրվում են վաղ ուրարտական ժամանակաշրջանով, Կարմիր բլուրը, Գոլովինոն<sup>7</sup>, Աթարբեկյանը<sup>8</sup>, Յամաքաբերդը և Բասարգեչարը<sup>9</sup>, որոնք թվագրվում են մ. թ. ա. 7-րդ դ., Զրառատը, որը թվագրվում է վաղ հայկական ժամանակաշրջանով:

Այսպիսով, հետադոստովող ապարանջանների վերոհիշյալ տիպը լայն տարածում է ունեցել Հայաստանում և իր գոյությունը պահպանել է (եթե չհաշվենք Մուխանաթ թափայի ապարանջանը (13—4-րդ դ.):

Մոտեցող ծայրերով ապարանջանները (42 օրինակ) կտրվածքում կլոր են և ձվաձև, իսկ մոտեցող ծայրերի միջև ունեն արանք:

Րրենց տեսքով բաժանվում են երկու տարբերակի:

Առաջինը բաղկացած է 31 ապարանջաններից, որոնց ծայրերը հարթ կտրված են և շփվում են իրար: Տրամագիծը 4,5—8,5 սմ, քաշը 5—85 գրամ: Գտնվել են լճաշենում, Կամոյում, Մուխանում, Զրառատում, Բասարգեչարում, Բջնիում, Աթարբեկյանում, Կիրովականում, Սանահինում, Գեղարտում, (աղ. 1, նկ. 11) և Շամշաղինում:

Երկրորդ տարբերակը բաղկացած է 11 ապարանջաններից, որոնք առաջինից տարբերվում են թեք կտրված և իրար վրա նստած ծայրերով: Տրամագիծը 5,5—6,5 սմ, քաշը 8—33 գրամ, գտնվել են Կամոյում, Մուխանում, Զուլաքարում, Բասարգեչարում, Ստեփանավանում (աղ. 5, նկ. 13), Հաղպատում, Մեղրիում, Իջևանում: Քննարկվող տիպի ապարանջաններն ընդգրկում են համարյա նույն տերիտորիան և ժամանակաշրջանը: Քանի որ այս խմբում չկան Զրառատի վաղ հայկական ապարանջաններ, ապա մենք կարող ենք դրանք թվագրել մ. թ. ա. 13—6-րդ դարերով<sup>10</sup>:

Օղակաձև ապարանջանները բաղկացած են 25 միացող փակ օղակներից, որոնք ունեն կլոր կամ ձվաձև կտրվածք, երկուսի վրա կան թեք քերթիկներ և ձվաձև զարդ: Տրամագիծը 6,5—8 սմ, քաշը 14—39 գրամ: Գտնվել են Դիլիջանից, Ռետկին լագերից, Գոլովինոյից (աղ. 5, նկ. 8), հրտանոցից (աղ. 5, նկ. 7), Ստեփանավանից (աղ. 5, նկ. 9—11), Թումանյանից, Սևանից, Կամոյից և Շամշաղինից: Թվագրվում են Ռետկին լագերի, Գոլովինոյի և հրտանոցի ժողովածուներով մ. թ. ա. 9—6-րդ դ.:

Իրար վրա անցնող ծայրերով ապարանջանները գլխավոր խմբերից են, ունեն երկու տարբերակ:

Առաջին տարբերակը բաղկացած է 56 ապարանջաններից, որոնք պատրաստված են կլոր և կիսակլոր կտրվածք ունեցող բրոնզե լարերից. սրանց ծայրերը կտրված են կամ թեթևակի սրված և անց են կացված մեկը մյուսի վրա: Տրամագիծը 4—10 սմ, քաշը 5—129 գրամ, համարյա բուրբը զրկված են

6 Т. С. Хачатрян, Раскопки в Айриванке, Изв. АН АрмССР, № 12, 1957, стр. 95.

7 А. А. Мартиросян, Раскопки в Головино, Ереван, 1954, табл. V—VI.

8 А. О. Мнацаканян, Раскопки могильников у сел. Атарбекян. КСИИМК, вып. 60, 1955, стр. 37.


9 А. О. Мнацаканян, Арх. находки у сел. Басаргечар. КСИИМК, вып. 60, стр. 50.

10 А. О. Мнацаканян, Г. А. Тирациян, Новые данные о материальной культуре дрежней Армении. «Известия» АН АрмССР, № 8, 1961, стр. 73.

11 А. А. Мартиросян, Раскопки в Головино.

նախշերից, միայն մի քանիսի ծայրերը զարդարված են նախշերով: Գտնվել են Կամոյում, Այրիվանքում (ադ. 1, նկ. 12), Զուլաքարում, Բասարղեշարում, Կարմիր բլուրում, Նոր Արեշում, Բջնիում, Ստեփանավանում (ադ. 4, նկ. 3), Կուրերում, Աթարբեկյանում, Ալավերդում, Թումանյանում, Լենինականում, Զրառատում:

Երկրորդ տարբերակը բաղկացած է 10 ապարանջաններից, որոնք առաջիններից տարբերվում են նրանով, որ ծայրերը շրջանակի  $\frac{1}{3}$ -ից ավելի անցնում են իրար վրա: Տրամագիծը 4—8 սմ, քաշը 12—103 գրամ: Գտնվել են Սևանում, Կամոյում, Բասարղեշարում, Դիլիջանում, Ռետկին լագերում, Ալավերդում (ադ. 1, նկ. 13), Աթարբեկյանում (ադ. 4, նկ. 1): Այս ապարանջանների ժամանակագրական սահմանները որոշվում են վաղ ուրարտական հուշարձաններով (Զուլաքար, Այրիվանք) և վաղ հայկական հուշարձաններով (Բասարղեշար, Աթարբեկյան, Զրառատ) մ. թ. ա. 9—8-րդ, 5—4-րդ դ.:



Մ. 1-3

## Աղյուսակ 2


Կլորացված ծայրերով ապարանջանները թվով երկուսն են, որոնք կտրվածքում կլոր են և ծայրերը վզնոցի նման կլորացված: Տրամագիծը 6—6,5 սմ, քաշը 6—100 գրամ: Հայտնաբերված են Զուլաքարից և թվագրվում են մ. թ. ա. 9—8 դդ.:

Երկրորդ ապարանջանները 7 հատ են և բոլորն էլ պատրաստված են կլոր կամ կիսակլոր կտրվածք ունեցող բրոնզե լարից ու կենտրոնից իրար վրա ծալվել և ոլորվելով դարձել են ապարանջան: Ծայրերը իրարից հեռու են: Տրամագիծը 6,5—8 սմ, քաշը 68—100 գրամ: Հայտնաբերվել են Քաղսիից (ադ. 2, նկ. 10—11), Մուխանից (ադ. 3, նկ. 9), Բասարղեշարից: Սրանց թվագրումը չի շտվում է Մուխանի և Բասարղեշարի ժողովածուների ժամանակով և թվագրվում 8—6 դդ. մ. թ. ա.:

Ատամնավոր ապարանջաններ ունեն չորս տարբերակ:

Առաջինը բաղկացած է 20 ձուլված ապարանջաններից, որոնք հարթ են ներսի կողմից, իսկ արտաքին երեք կողմերից ծածկված ատամնավոր ելուստներով: Նրանց մի մասը ամբողջ երկարությամբ հավասար տրամագիծ ունի, իսկ մյուսների ծայրերը լայն և տափակ են: Այդ խմբին ենք միացնում չորս օղակավոր ապարանջանները, որոնք ունեն նույնանման ատամնավոր մակերես: Դրանց տրամագիծը 5—9 սմ, քաշը 12—180 գրամ: Գտնվել են Ոսկեվայում, Արմավիրում, Նոնուսում, Զուլաբարում (աղ. 3, նկ. 4), Կամոյում (աղ. 3, նկ. 6), Մուխանում, Ցամաքաբերդում, Աթարբեկյանում, Զրառատում, Շամշադինում, Հաղպատում, Ստեփանավանում (աղ. 3, նկ. 3) և Մեղրիում:

Երկրորդ տարբերակը բաղկացած է 22 ապարանջաններից, որոնք կրկնում են առաջինի ձևը, բայց տարբերվում են նրանով, որ արտաքին եզրերը ծածկված են ուղիղ կամ թեք քարթիկներով, որոնք ատամների տպավորություն են ստեղծում, դրանց տրամագիծը 6,5—12 սմ, քաշը 15—203 գրամ: Գտնվել են Արմավիրում (աղ. 3, նկ. 3), Կամոյում, Մուխանում, Գոլովինոյում, Ստեփանավանում, Ուղունլարում (աղ. 3, նկ. 1):



Աղյուսակ 3

Երրորդ տարբերակը բաղկացած է 13 նույնանման ապարանջաններից, որոնք վերոհիշյալներից տարբերվում են նրանով, որ արտաքին եզրերը զարդարված են եռանկյուն փոսիկներով, որոնք նույնպես ատամների տպավորություն են ստեղծում: Սրանց տրամագիծը հասնում է 6—11 սմ, քաշը 19—266 գրամ: Գտնվել են Բջնիում, Կամոյում, Մուխանում (աղ. 3, նկ. 7), Բասարգեչարում, Թումանյանում, Ալավիրդում, Լենինականում, Ճամբարակում (աղ. 3, նկ. 8) և Շամշադինում:

Զորրորդ տարբերակը բաղկացած է երեք օղակաձև ապարանջաններից: Դրանցից երկուսի վրա կան 17 ելուստներ, իսկ մեկի վրա՝ 6 հատ: Ելուստները ձևով փոքր ինչ տարբերվում են իրարից: Ապարանջաններից մեկի ելուստները (գտնված Ուրմիայում) կիսագնդերի ձև ունեն, իսկ մյուս երկուսինը, որոնք գտնվել են հրտանոցում, փոքր ինչ երկարավուն են: Տրամագիծը 6—8,5 սմ է հասնում:

Ատամնավոր ապարանջանների թվագրությունը որոշ շափով դժվարանում է նրանով, որ դրանց մի մասը հայտնաբերված է պատահականորեն, զուրկ ուղեկցող իրերից: Տարրերը Զուլաքարի, Մուխանի, Գուլվինոյի, Ցամաքաբերդի, Աթարբեկյանի և Զրառատի ժողովածուներն են, որոնց հիման վրա սրանց կարելի է թվագրել 9—4 դդ.:

Տափակ ապարանջանները 22 են, ունեն երեք տարբերակ:

Առաջինին են պատկանում վեց ապարանջաններ: Դրանք պատրաստված են հաստ տափակ բրոնզե թիթեղից, որոնց հեռացվող ծայրերը կլորացված են: Ապարանջանների լայնությունը կենտրոնում հասնում է 1—2,2 սմ և փոքր ինչ նեղանում է ծայրերում: Արտաքին երեսները զարդարված են երկու-երեք գծից բաղկացած զիզզագնեքով և զարդով: Տրամագիծը 6—7,5 սմ, քաշը 15—167 գրամ: Գտնվել են նորաշենում, Թումանյանում, Սանահինում (աղ. 2, նկ. 9) և Ստեփանավանում (աղ. 2, նկ. 8): Այս նույն տարբերակին պայմանականորեն միացնում ենք երկու օղակաձև ապարանջաններ, որոնք նույնպես պատրաստված են բրոնզե տափակ թիթեղից: Դրանցից առաջինը, որը գտնվել է Այրումում (աղ. 2, նկ. 11) զարդարված է իրար միացված սպիրալներով, որոնք եզրագծված են հյուսածո զարդով: Երկրորդը, որը գտնվել է Ալավերդում (աղ. 2, նկ. 10), նույնանման զարդ ունի, միայն այն տարբերությամբ, որ սպիրալների մեջ տեղավորված են գորտերի պատկերաքանդակներ:

Գորտերի պատկերաքանդակները հայտնի են Լճաշենից, որտեղ հայտնաբերված է գորտի փոքրիկ ոսկեձուլլ քանդակ<sup>12</sup>: Ազգագրական գրականության մեջ արտահայտված է այն կարծիքը, որ գորտը կապված է պտղաբերության և ջրի պաշտամունքի հետ: Այդ նույն պատկերացումը ունեցել են նաև հայերը<sup>13</sup>:

Երկրորդ տարբերակը բաղկացած է 15 ապարանջաններից, որոնք պատրաստված են բրոնզե նեղ թիթեղից և ունեն հեռացող ծայրեր: Համարյա բոլորը զրկված են զարդերից: Հանդիպում են միայն V ձևի օրնամենտներ և կարճ գծիկներ: Տրամագիծը 4 սմ է, քաշը 7—65 գրամ: Դրանք գտնվել են Կամոջում, Աստղածորում, Ցամաքաբերդում (աղ. 2, նկ. 7), էլարում, Բջնիում, Զրառատում, Դիլիջանում, Կիրովականում և Ալավերդում:

Երրորդ տարբերակը ներկայացված է մեկ ապարանջանով, որը պատրաստված է բրոնզե նեղ թիթեղից և ոլորված է հինգ սպիրալաձև փաթաթով: Տրամագիծը 5,5 սմ: Ծագումն անհայտ է, ըստ երևույթին, այս ապարանջանը գտնվել է Ծ. Լայաջանի՝ Նոր Բալայետում կատարած հին պեղումների ժամանակ: Նման ապարանջանները թվագրվում են Ստեփանավանի, Աստղածորի, Զրառատի հավաքածուներով և վերաբերվում են մ. թ. ա. 9—4-րդ դդ. իսկ Արմավիրից հայտնաբերված օղակաձև ապարանջանները, համեմատելով Արթի-

<sup>12</sup> А. О. Мнацаканян, Лчашенские курганы, КСИИМК, вып. 65, 1961, рис. 24.

<sup>13</sup> Վ. Բոյան, Երկրագործական պաշտամունքի մի քանի հետքեր հայերի մեջ, Աշխատություններ պետական պատմական թանգարանի, հատոր III, էջ 69:

կից և Այրումից գտնվածների հետ, ըստ երևույթին, թվագրվում են մ. թ. ա. 2 հազ. վերջով:

Օձագլուխ ապարանջանները կազմում են հիմնական խմբերից մեկը (118 հատ) և բաժանվում են 7 հիմնական տարբերակների:

Առաջինը բաղկացած է 22 ձուլված ապարանջաններից: Սրանք կտրվածքում կլոր բրոնզե լարեր են, որոնց հեռացվող ծայրերը զարգարված են օձերի մասսիվ գլուխներով:

Այս ապարանջանները աչքի են ընկում իրենց նուրբ ձուլվածքով, որը մանրամասնորեն վերարտադրում է օձի գլխի ձևը: Մի քանի նմուշներ (բաց երախով, բուժ ղնչով, կլոր քթանցքներով և ցցված ականջներով) հիշեցնում են այն առասպելական կերպարը, որը հետագայում հայկական իրականության մեջ վիշապ անունն է ստացել:

Այս ապարանջանները իրենց ձևով բաժանվում են երկու խմբի: Առաջին խմբին վերաբերում են կիսակլոր, մասսիվ ապարանջանները, որոնց բոլոր մասերը որոշակի կերպով ընդգծված են: Նրկորոգ խմբին են պատկանում այն ապարանջանները, որոնք ունեն ընդգծված կլոր աչքեր, ցցված հոնքոսկրներ և սրված քթեր: Համարյա բոլորը գտնվել են ուրարտական կամ ժամանակակից այլ հուշարձաններից՝ Արին բերդից, Կարմիր բլուրից, Նոր Արեշից, Մուխանաթ թափայի մոտի դամբարանից (աղ. 2, նկ. 1), Արմավիրից, Աստղածորից (աղ. 2, նկ. 3—4), Աթարբեկյանից (արծաթյա), Խղնաուզից (աղ. 2, նկ. 2): Տրամագիծը 6—11 սմ, քաշը 19—108 գրամ:

Երկրորդ տարբերակը բաղկացած է 21 ապարանջաններից, որոնք պատրաստված են կտրվածքում կլոր կամ կիսակլոր բրոնզե լարից և ունեն տափակ հեռացող ծայրերը: Մի քանիսի արտաքին կողմը զարդարված են խաչաձև կող գծիկներով և Վ ձևի զարդով: Մայրերին կետերով նշված են աչքերը և քթանցքները, որոնք հիշեցնում են օձի գլուխը: Տրամագիծը 4,5—8 սմ, քաշը 4—104 գրամ: Գտնվել են Արին բերդից, Կարմիր բլուրից, Բջնից, Աթարբեկյանից, Մուխանից, Կամոյից, Աստղածորից (աղ. 4, նկ. 11—12), Բասարգեշարից, Օձունից (Ուզունլարից), Կոբերից և Շամշադինից:

Երրորդ տարբերակը բաղկացած է 3 ապարանջաններից, որոնք նման են առաջինին, բայց ունեն ատամնավոր իրան, գտնված են Նոր Արեշի ուրարտական կոլումբարիից: Դրանցից միայն մեկն է ամբողջական, որի տրամագիծն է 6,5 սմ, քաշը 39 գրամ: Հետաքրքիր է նշել, որ այստեղ, ինչպես նաև Կուրթանից<sup>15</sup> գտնվել են ապարանջաններ, որոնք ունեն խոյածև ծայրեր:

Չորրորդ տարբերակը բաղկացած է 6 ապարանջաններից, որոնք պատրաստված են անագից կամ բրոնզից, ունեն կլոր կտրվածք և բուժ կամ սուր հեռացող ծայրեր: Մայրերը երկու կողմից զարդարված են և կլոր փոսիկներով, իսկ արտաքինից՝ գծիկներով, որոնք օձի գլխի տպավորություն են թողնում: Տրամագիծը՝ 4,5—7 սմ, քաշը 3—27 գրամ: Գտնվել են Մուխանում, Յամաքաբերդում, Ջրառատում:

Հինգերորդ տարբերակը բաղկացած է 4 մասսիվ ապարանջաններից, որոնք ունեն կիսակլոր կտրվածք և տափակ ալիքաձև հեռացող ծայրեր: Մայրերը արտաքին կողմից եզրագծված են հորիզոնական գծիկներով, իսկ ներսի կողմից


<sup>14</sup> Հ. Մարտիրոսյան, Հ. Մեսրոպյան, Նոր Արեշի ուրարտական կոլումբարին, ՀՄՍՌ ԳԱ «Տեղեկագիր», № 10, 1958, էջ 66, աղ. 11:

<sup>15</sup> Հ. Մարտիրոսյանի և Լ. Բարսեղյանի հավաքածուն, որ. չի հրատարակված:

ոտմբածև զարդերով, աչքերը դրված են կետերով: Տրամագիծը 7—8 սմ, քաշը 27—98 գրամ: Գտնվել են Աստղաձորում, Աթարբեկյանում, Զրառատում:

Վեցերորդ տարբերակը ներկայացված է 2 ապարանջաններով, որոնցից առաջինը կիսակլոր կտրվածք ունի և հեռացվող ծայրերը զարդարված են 4 կետերով, որոնցով նշվում են աչքերը և քթանցքները:

Երկրորդի ծայրերը համարյա միացվող են և զարդարված են մուրի ունեցող ակնոցավոր օձի զլխիկներով: Վրի վրայով անցնում են 6 շարք Մ ձև գծապարզ: Տրամագիծը 5,5 սմ, գտնվել են Իջևանում<sup>16</sup>:



Մ. 1:3

Ազյուսակ 4

7-րդ տարբերակը բաղկացած է 60 ամբողջական և կտրտված ապարանջաններից, որոնք պատրաստված են կլոր կամ կիսակլոր բրոնզե լարից: Հեռացվող ծայրերի վրա կան գծիկներ: Բոլորն էլ կենտրոնում մի փոքրիկ կորուսյուն ունեն: Տրամագիծը 5,5—9 սմ, քաշը 4—16 գրամ: Գտնվել են Կարմիր բլուրում (քաղաքային մաս), Աթարբեկյանում, Բջնիում, Աղբաշում, Գառնիում, Դվինում, Անիում և Զրառատում:

Այս ապարանջանները համեմատվում են Աքեմենյան կուլտուրական աշխարհի ոսկե ապարանջանների հետ, որոնք հայտնի են Ամու Դարյան գանձից (5-րդ դար), Սուզայից (4-րդ դար) և Կիպրոսից (5—4-րդ դդ.)<sup>17</sup>:

Այս տիպի ապարանջանների թվագրությունը առանձին դժվարություն չի ներկայացնում: Նրանք բոլորն էլ գտնվել են ուրարտական կամ նրանց ժամա-

<sup>16</sup> С. А. Есаян. Арх. находки близ поселка Иджеван, «Известия» АН АрмССР, № 4, 1961, стр. 79, рис. 7.

<sup>17</sup> А. О. Мнацаканян, Г. А. Тирациян, ук. соч., стр. 73.



Նականից հուշարձաններից և թվագրվում են մ. թ. ա. 9—6-րդ դդ.: Բացառություներ են կազմում վեցերորդ և յոթերորդ տարբերակների ապարանջանները, որոնք ունենալով օձազուլիս ապարանջանների ձև, խիստ ձևափոխվել են և բնորոշ են վաղ հայկական ժամանակաշրջանին, ուստի թվագրվում են մ. թ. ա. 6—4-րդ դարերով:

Անկասկած, օձազուլիս ապարանջանները կապված են օձի պաշտամունքի հետ, որը տարածված էր աշխարհի բոլոր ծայրերում, այդ թվում և Հայաստանում: Օձի այնպիսի ունակությունները, ինչպիսիք են սեղմողական ուժը, մաշկազերծ լինելը, երկարակեցությունը և նրա թունավորելը համոզել են նախնադարյան մարդուն, որ օձը հատուկ կարգի էալ է, և նրան ներշնչել օձի անմահության գաղափարը:

Օձի պտղաբերության հատկությունը և նրա առնչակցությունը սեռական կյանքի հետ նկատվում է նաև այն բանում, որ նա նմանություն ունի ֆալուսի հետ: Հաշվի առնելով այս պարագան, հասկանալի է դառնում օձի հսկայական դերը ֆալուսի պաշտամունքի մեջ:

Ընդհանուր կառուցվածքով ապարանջանները 14 հատ են, բաժանվում են երեք տարբերակի:

Առաջին տարբերակը բաղկացած է 5 ապարանջաններից, որոնք ունենալով կտրվածք ունեն և հեռացվող ծայրեր: Մի քանիսի եզրերը զարդարված են մեկ կամ երկու գծից բաղկացած քերթիկներից, տրամագիծը 4,5—7,5 սմ, բաշը 20—75 գրամ: Գտնվել է Այրիվանքից, Գոլովինոյից, Բասարգեղարից, Լենինականից:

Երկրորդ տարբերակը բաղկացած է 7 ապարանջաններից, որոնք նույնանման կտրվածք ունեն և մոտեցող ծայրեր: Նրանցից մի քանիսը զարդարված են քերթիկներով և եռանկյունաձև փոսիկներով: Տրամագիծը 5,5—7,5 սմ, բաշը 16—70 գրամ: Գրանցից երկու ապարանջան կենտրոններում մասսիվ են և ծայրերի մոտ նեղանում են: Գտնվել են Գեղարոտում, Ալավերդում (աղ. 3, նկ. 12 և աղ. 4, նկ. 5), Բջնիում և Բասարգեղարում:

Երրորդ տարբերակը բաղկացած է երկու ապարանջաններից, որոնք ունեն նույնանման կտրվածք և մեկը մյուսի վրա անցնող ծայրեր: Տրամագիծը 5,5—8 սմ, բաշը 13—52 գրամ: Գտնվել են Կամոյից և Բասարգեղարից: Ունենալով ապարանջանները թվագրվում են Գեղարոտի և Բասարգեղարի հավաքածուների հիման վրա մ. թ. ա. 13-րդ—6-րդ դդ.:

Մասսիվ ապարանջանները 51 հատ են, իրենց ձևով նմանվում են վերոհիշյալ մի շարք տիպերին, սակայն նրանցից տարբերվում են մեծությամբ, բաշով և կուպիտ մշակմամբ, միայն մի քանիսը հարթ մակերես և զարդեր ունեն, ուստի հարմար են դառնում սոսկ նշել նրանց տիպապատկանելությունը:

Հեռացվող ծայրերով ապարանջանների թիվը 22 է, տրամագիծը 8,5—12,5 սմ, բաշը 83—380 գրամ: Գտնվել են Աստղաձորից (աղ. 4, նկ. 4), Կիրովականից (աղ. 1, նկ. 1), Սանահինից, Լճաշենից (միայնակ դամբարան մ. թ. ա. 1-ին հազ. սկիզբ) (աղ. 5, նկ. 3) և Անիից:

Մոտեցող ծայրերով ապարանջանները 21 են, տրամագիծը 8—12 սմ, բաշը 173—430 գրամ: Գտնվել են Երևանից, Դվինից (աղ. 5, նկ. 1), Անիից (աղ. 5, նկ. 6), Էլարից, Քաղսիից, Կամոյից, Ջուլաբարից, Ալավերդուց, Սանահինից, Ուզունյարից (աղ. 5, նկ. 5) և Ստեփանավանից:

Օղակաձև ապարանջանների թիվը 7 է, տրամագիծը՝ 7,5—10,5 սմ, բաշը

108—170 գրամ: Գտնվել են Ալավերդոց (աղ. 4, նկ. 6), Այրումից, Ստեփանավանից (աղ. 5, նկ. 2), Սանահինից, Նղեգնուտից, Շամշազինից և Ցամաքաբերդից:

Մասսիվ ապարանջանների թվագրումը ճշտվում է այնպիսի հուշարձաններով, ինչպիսիք են Աստղաձորը, Զուլաբարը, Լճաշենը, որոնց հավաքածուները վերաբերում են վաղ ուրարտական ժամանակաշրջանին, և Ցամաքաբերդը, որը ուշ ուրարտական ժամանակաշրջանի է (մ. թ. ա. 9—6-րդ դդ.):

Անցյալ դարի վերջում, ֆրանսիացի հնագետ Ժակ դե Մորգանը չափարում պեղել է մեծ քանակությամբ դամբարաններ: Նա ապարանջանների վերաբերյալ առաջ է քաշում մի հետաքրքիր տեսակետ: Բոլոր ապարանջաններն իրենց նշանակությամբ նա բաժանում է երկու տիպի՝ զարդարուն ապարանջանները համարելով զարդ, իսկ հարթ, հատկապես մասսիվ ապարանջաններին հատկացնում է փոխանակության էկվիվալենտի դեր:

Մորգանն այդ եզրակացությունը հանգեց այն բանից հետո, երբ դամբարաններից մեկում հայտնաբերեց 8 մասսիվ ապարանջաններ՝ 4 կգ. 550 գ. ընդհանուր քաշով: Զուգահեռ անցկացնելով այդ քաշը տոաչավոր ասիական հնագույն կռաչափերի, հատկապես սիկդի հետ, Մորգանը ստացավ 540 սիկդ<sup>18</sup>: Խմբավորելով մոտիկ քաշեր ունեցող ապարանջանները, նա ստացավ 20 խումբ, որոնց միջին քաշը սկսվում էր 16,400 գ և վերջանում 665 գ-ով: Մորգանը միաժամանակ գտնում էր, որ 8.200 ամբողջական գրամը առաջին խմբի ապարանջանների քաշի կեսն է և հետևյալ բոլոր խմբերի՝ 16,400 գ, 25,200 գ, 32,000 գ, 39,900 գ, և այլն մինչև 665 գ հիմքը:

Խմբերի համեմատության միջոցով Մորգանը գալիս է այն եզրակացության, որ իր կողմից ստեղծված, այսպես կոչված Կովկասյան սիկդի հիմքը հանդիսանում է մոտավորապես 8,400 գ:

Այս տեսությունը ընդունել են մի քանի ուսումնասիրողներ, բայց 1954 թ., Գոլովինոյի ապարանջանները ուսումնասիրելով, Հ. Ա. Մարտիրոսյանը հերքեց է այն<sup>19</sup>:

Սույն աշխատանքը գրելիս մենք մեծ խնամքով կշռել ենք ավելի քան 400 ապարանջան՝ անկախ նրանց հարթ կամ անհարթ լինելուց: Մեր ելակետը հետևյալն էր. եթե վարպետները կարող էին պատրաստել ապարանջաններ որևէ հատուկ քաշով, ապա նրանք այդպես կվարվեին և զառուստուն ապարանջաններ պատրաստելիս: Ստացված արդյունքները ստիպեցին կանգնել Մորգանի տեսակետի վրա: Մեր ապարանջանների քաշը սկսվում է 4 գրամից և մեկական գրամ ավելանալով հասնում մինչև 54 գրամի, այնուհետև փոքր ինչ բացառությամբ, ավելանում է և հասնում 430 գ (տե՛ս աղ. 2):

Ժակ դե Մորգանը գրում է, որ իր ապարանջանների հիմնական խմբերի քաշը եղել է 30—40 գ և 80—90 գ, այլ կերպ ասած՝ համաձայն իր տեսության կազմում է 5 և 10 սիկդ:

Մեր կողմից կազմած աղյուսակում ավելի քան 400 ապարանջաններից միայն 50-ը ունեն նշված քաշը, այսինքն ընդհանուր թվի  $\frac{1}{8}$  մասը: Ժակ դե Մորգանը յուրակերպ է կազմել հիշյալ խմբերը. նրա սխեմայից (տես իր գրքի

<sup>18</sup> J. de Morgan, Mission scientifique au Caucase, I էջ 110.

<sup>19</sup> А. А. Мартыросян, Раскопки в Головино, стр. 80.

Ապարանջանների քաշն (գրամներով) ու քանակը

Կշիոր	Քանակը	Կշիոր	Քանակը	Կշիոր	Քանակը	Կշիոր	Քանակը	Կշիոր	Քանակը
4	3	30	5	60	2	108	1	205	1
5	8	31	2	61	3	111	1	210	1
6	4	33	8	64	2	115	2	226	1
7	7	34	2	65	5	119	1	233	1
8	13	35	1	68	4	122	2	245	2
9	10	36	4	70	5	123	2	258	1
10	9	37	1	73	1	125	2	263	1
11	8	38	5	75	4	126	2	270	1
12	14	39	4	76	1	127	2	276	1
13	7	40	2	79	1	131	1	293	2
14	5	41	1	80	2	141	1	308	2
15	9	42	3	81	1	147	1	313	2
16	4	43	2	82	2	150	2	355	1
17	11	44	1	83	2	156	1	321	1
18	9	45	7	86	1	157	1	380	1
19	6	46	2	88	1	167	1	413	1
20	9	47	2	90	2	168	1	430	1
21	1	48	2	92	1	170	1		
22	6	49	2	95	1	173	1		
23	3	50	3	96	1	175	2		
24	6	51	1	98	1	177	1		
25	3	52	4	100	3	180	2		
26	6	53	3	101	1	184	1		
27	12	54	4	102	1	190	4		
28	2	56	2	104	1	202	1		
29	1	58	1	105	1	203	1		

110 էջը) երևում է, որ առաջին խումբը բաղկացած է 7 ապարանջանից, երկրորդը՝ 4-ից, երրորդը՝ 6-ից, իսկ չորրորդը՝ 19 ապարանջանից:

Այդ խմբերից միայն 17, 25, 33, 42 գրամանոց ապարանջաններն են 2—3, 4—5 սիկղ կազմում, քանի որ մյուս ապարանջանները սիկղերի չեն բաժանվում:

Մեզ թվում է, որ խմբավորելով մինչև 19 ապարանջան կարելի է ստանալ ցանկացած միջին քաշը, որը մոտավոր ճշտությամբ բաժանվի 8,4 գ-ի:

Այդ պարզ երևում է Մորգանի կողմից կազմած մի այլ աղյուսակից (իր դրքի 112 էջում), որտեղ սիկղը կշռում է 8,37 գ—8,40 գ և 13 գ: Վերցնելով 8,4 գ, որպես սիկղի հիմք և ստուգելով ավելի քան 70 ապարանջան, որոնք ունեին 100 գ և ավել քաշ, մենք պարզել ենք, որ միայն 7 ապարանջանի քաշն է մոտավոր ճշտությամբ բաժանվում սիկղի քաշին:

Նշված ապարանջանները իրենց հիմքում չեն ունեցել կշռային չափանիշ, որովհետև նրանց քաշը մեծանում է մեկ կամ մի քանի գրամ տարբերությամբ (տե՛ս աղ. 2):

Մեր կարծիքով Մորգանը ճիշտ էր միայն մի հարցում, որ ապարանջանները եղել են էկվիվալենտ, ոչ կշռաբարեբի, ինչպես կարծում էր նա, այլ պատրաստի առարկաների:

Այդ ապարանջանները, ինչպես նաև սակրերը, տապառները, բրիչները, վզնոցները, որոնց կշիռը դեր չի խաղում, հանդիսացել են փոխանակման միջոց երկրագործական և մետաղագործական շրջանների միջև<sup>20</sup>:

<sup>20</sup> А. А. Нессен. К вопросу о древнейшей металлургии меди на Кавказе. Изв. ГЛИИМК, вып. 120, стр. 157—158.

Այսպիսով, էնեոլիթյան ժամանակաշրջանից սկսած առաջ են գալիս ասպարանջանները: Վաղ և միջին բրոնզի շրջանում (չհաշված Մուխանաթ թափայից գտնված թվագրման տեսակետից կասկածելի ասպարանջանը), նրանք բացակայում են, որը բացատրվում է այդ ժամանակաշրջանի հուշարձանները քիչ պեղելու հանգամանքով:

Ասպարանջանները նորից հանգես են դալիս ուշ բրոնզի ժամանակաշրջանում և լայն տարածում են ստանում մ. թ. ա. 1 հազարամյակի սկզբին և իրենց գոյությունը պահպանում են մինչև քննարկվող ժամանակաշրջանի վերջը (մ. թ. ա. 4-րդ դար):

Գտնված ասպարանջանների վայրերը ապացուցում են, որ նրանք տարածված են եղել ամբողջ Հայաստանում, սակայն այժմ դեռևս փաստեր չկան լուրջ տարբերակներ առանձնացնելու համար:

Իրենց արտաքին տեսքով ասպարանջանները բաժանվում են 7 տիպերի, որոնք, ժամանակագրական փոքր ինչ տարբերությամբ, գոյություն են ունեցել միաժամանակ: Ասպարանջանների մի մասը (օձագլուխները, ֆալուսի ծայրերով և գորտի պատկերով) ունեցել է ռիտուալ նշանակություն:

Ասպարանջանները միաժամանակ հանդիսացել են փոխանակման առարկաներ, շունենալով, սակայն, իրենց հիմքում կշռային էկվիվալենտի նշանակություն:

С. А. Есаян

## БРОНЗОВЫЕ БРАСЛЕТЫ ГОС. МУЗЕЯ АРМЕНИИ

(Р е з ю м е)

В богатых фондах Гос. исторического музея Армении хранятся несколько сот браслетов. Древнейшие из них представлены из раскопок Лчашена, комплексы которых относятся к периоду ранней бронзы. Основная же их масса относится к XIII—IV вв. до н. э. Определенная часть браслетов была описана в общих работах и статьях, а огромное большинство до настоящего времени остается без систематизации. В настоящей статье мы ставим целью дать типологию браслетов, уточнив хронологические границы бытования и распространения каждого типа и их назначение.

Повидимому часть браслетов была эквивалентом для обмена, так же как и секиры, мотыги, топоры, шейные гривны, вес которых не играл роли при обмене.

Часть браслетов (зменноголовые, с фаллическими концами и с изображением лягушек) была связана с культом весеннего пробуждения природы и плодородия. Основная же масса их служила предметами украшения.